



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt LXXVII. Vilecense Collegivm Canonissarum, & Canonicoꝝ in d.
Colontensi, & territorio Iuliacensi.

urn:nbn:de:hbz:466:1-11227

liberum lacum, vel plumarum lacum vocant, non procul à Biberaco vrbe imperiali in Sueuis situm (ad quod assumi solent tantum Comitissæ & Baronissæ, quæ ibi sub Abbatissa pudicè & probè educari, ad pietatem & virtutem informari solent) id inquam amplissimum ac pulcherrimum collegium fundatum legitur in honorem Sanctorum Cornelij & Cypriani, ab *Adelinde* Hildebrandi potentissimi Sueuorum Ducis filia, Hildegardis Reginae & Campidonensis Fundatricis sorore, Comitis verò Othonis à Kesselbug in Blächina valle, circa Biberacum habitantis relicta vidua, quæ ibi sepulta est.

CAPVT LXXVII.

VILECENSE COLLEGIUM CANONISSARUM, & Canonorum in d. Coloniensi, & territorio Iuliacensi.

SALEIDIS Virgo & Abbatissa Vilecensis patrem habuit *Megengorem* siue *Mengosum* Geldriæ Comitem, matrem verò *Gerbirgam* non minùs generis nobilitate & virtutum studio insignem. Quibus vnica fuit masculula proles & quatuor filia; quarum duæ iunctæ sunt viris præpotentibus; reliquæ verò duæ apud Coloniam Agrippinam Christi seruitio sunt mancipatæ; vna in monasterio Beatisimæ matris Dei; altera, de qua nobis est sermo, in cœnobio sanctarum Virginum, sub

regulari institutione S. Hieronymi. Parentes autem cum in Vileka monasterij puellarum structuram consummassent, quã Othoni III. tradiderunt, vt perpetuò regia tutela defenderetur, ad eius regimen *Adelheidem* filiam suam Colonia euocarunt, quæ initio liberiorẽ regularem institutionem seruauit; postea autem mortua matre, regulam S. Benedicti amplexa est, & iuxta illam se sui conuentus matrem re ipsa declarauit, primùm quærens regnum Dei, deinde ad exteriora se conferens. Ex ipsis etiam monasterij possessionibus cortem vnã Domino pro pauperibus delegauit; atque in acerba totius penè orbis fame homines egen-tes vndique ad eam tamquam ad matrem cõfluebant. Interim soror eius *Berthrada*, monasterio Coloniæ præfecta, in Domino obdormit, voluitque Beatus Heribertus Archiepiscopus *Adelheidem* defunctæ sorori in regimine succedere: vbi innotuit quid prius illa operata esset in obscuro Iuliacensium tugurio Archiepiscopo testante eam cunctis sui ordinis sapientia, religione, & sanctitate esse incõparabilẽ. Etsi autẽ Coloniensium monasterio postea præfuerit, attamẽ vtriq; & Coloniensium & Vilecensium inuigilabat strenuè. Nec defuit illi miraculorum gloria in morbis curandis. Post obitum verò scribit *Berthradã* nullo non genere miraculorum, dempta mortuorum excitatione, eam ornatam fuisse à præpotẽte Deo.

Appro-

Appropinquante autem obitus die, in festo S. Blasij, gutturis dolore correpta est: itaq; corporis & sanguinis dominici sacramento munita, paradisi gaudia, ad quæ viuens suspirarat, felicissimè petijt. Vilecenses autem Archiepiscopum rogarunt licentiam corpus sanctum asportandi, eumque tandem precibus vicerunt. Postquam autem sacrum corpus in nauis repositum fuit, necdum dispositis remis cõtra fluminis impetum nauis velociter fursũ tendebat, vt etiam à Coloniensibus diuina voluntas agnosceretur.

CAPVT LXXVIII.

COLLEGIA VARIA DIOECESIS

Leodiensis.

HERMANNVS frater Comitis Loffensis in castro siue opido Loffensi collegiũ septẽ Canonorum instituit circa an. 1070.

Adalardus Abbas Trudonensis collegiũ Canonorum B. Mariæ Trudonense excitauit circa an. Christi 1080.

Visitense Canonorum Collegium olim in pago *Celle*, non procul à Dionanto sedem habuit: qui oppressionem, quam à Domino *Cellensi* tunc patiebantur, inde Visetum (quod est opidum Mosæ adsitum, secundo lapide à Leodio) anno 1337. cum corpore Sancti Hadelini patroni sui, migrarunt; Adulpho Marcano Leodiensi Episcopo approbante.